

Anwar paling layak terajui Kementerian Kewangan

BH- 1/12/2022 m/s: 24

Langkah seiring hasrat PM tampil barisan Kabinet lebih kecil

Oleh Suraya Ali
suraya.ali@bh.com.my

Kuala Lumpur: Datuk Seri Anwar Ibrahim dilihaf susuk paling layak menerajui Kementerian Kewangan, berdasarkan pengalaman dan rangkaian hubungan baiknya dengan barisan pemimpin antarabangsa.

Malah, langkah meletakkan portfolio penting itu di bawah Perdana Menteri adalah seiring dengan hasrat Anwar menampilkan barisan Kabinet yang lebih kecil berbanding sebelum ini, tanpa menjejaskan fungsinya.

Turut dilihat memiliki keupayaan dan merit sebagai Menteri Kewangan ialah Ahli Par-

limen Titiwangsa, Datuk Seri Johari Abdul Ghani, namun Ahli Parlimen Pandan, Rafizi Ramli, dianggap belum memiliki pengalaman mencukupi untuk jawatan penting itu.

Pakar Ekonomi, Profesor Dr Barjoyai Bardai, berkata rangkaian hubungan kenalan Anwar nyata masih kukuh dan panggilan serta ucapan tahniah yang diterimanya dari seluruh dunia membuktikan hakikat itu.

“Dalam tempoh dua hari menjadi Perdana Menteri, beliau dihubungi oleh pemimpin

daripada 42 negara yang menyatakan sokongan masing-masing untuk bekerjasama dengan Malaysia.

“Ini menjadikan Anwar calon sesuai menjadi Menteri Kewangan,” katanya ketika dihubungi, semalam.

Pengalaman terdahulu

Barjoyai berkata, Johari boleh menjadi Menteri Kewangan yang berpengaruh dan sesuai berdasarkan pengalaman terdahulu, namun kedudukannya sebagai Ahli Parlimen parti minoriti

mingkin menjadi penghalang.

Tegasnya, ada kemungkinan suara Johari tidak cukup ‘kuat’ untuk mendapat sokongan majoriti di Dewan Parlimen walaupun berada dalam kerajaan.

“Secara dasarnya, jawatan menteri kewangan patut dipegang oleh individu dalam kumpulan parti majoriti,” katanya.

Mengulas peluang Rafizi, Barjoyai melihat beliau layak menganggotai Kabinet tetapi lebih kepada Kementerian berkaitan ekonomi berdasarkan pengalamannya, namun bukan Kementerian Kewangan.

Kelmarin, Yang di-Pertuan Agong, Al-Sultan Abdullah Ri’ayatuddin Al-Mustafa Bilal Shah, berkenan menerima menghadap Anwar di Istana Negara.

Ia adalah kali pertama selepas Anwar menerima surat cara pelantikan dan mengangkat sumpah jawatan dan setia serta sumpah simpan rahsia Perdana Menteri ke-10 pada 24 November lalu.

“ Dalam tempoh dua hari menjadi Perdana Menteri, beliau dihubungi oleh pemimpin daripada 42 negara yang menyatakan sokongan masing-masing untuk bekerjasama dengan Malaysia. Ini menjadikan Anwar calon sesuai menjadi Menteri Kewangan ”



Barjoyai Bardai,
Pakar Ekonomi